



Universitätsbibliothek Paderborn

Ōrigenus Tōn Eis Tas Theias Graphas Exēgētikōn Apanta Ta Ellēnisti Heuriskomena

Cui idem præfixit Origeniana, Tripartitum opus, quo Origenis narratur vita,
doctrina excutitur, scripta recensentur

Origenes

Rothomagi, 1668

Quaestio quarta, De B. Maria Virgine

urn:nbn:de:hbz:466:1-25059

64
furectionem Christum; aliquibus fortasse argumentis accusationem suam utcunque con- A
firmasset; eo, puta, quod ex affecta Origeni sententia depositi in Sole Christi corporis &
humanitatis peri poterat.

Verum in Origenianarum lucubrationum reliquis manifesta alterutrius hærefoe ve-
stigia nisquam reperi. Itaque vel ex ipsius dictis tale aliquid consequi crediderunt ejus ad-
versarij, vel in ijs exstabat Operibus qua veritate abolita sunt. Quemadmodum autem
nullus suppetit Origenis locus, unde accusationi huic fides fieri possit; ita vix ullus extat,
unde facile dilui illi possit. Nonnulla quidem coegerit Halloxius, sed infirma & levia, & ad
rem parum apposita, qualis est solemnis illa Homiliarum Origenis clausula: *Domino Iesu
Christo, cui ei gloria & imperium in secula seculorum.* Scripterat enim Graece Origenes: *ei Cu
dicitur Apollonius.* At vocibus illis non unam esse significationem, nec semper aeternitatem
fine carentem notari infra probabimus. B

Ac Theophilus quidem nescire se dicit unde insaniam ejusmodi Origenes hauserit.
Ego vero liquido jurare possum haec Apostoli quæ leguntur 1. Cor. 15. 24, & seq. per-
peram accepta, caussam Origeni erroris hujus dedisse, si modo ei adhaesit; nam & in eam-
dem inde sententiam impulsi sunt Marcellus, & popularis ejus Photinus; & alterius quo-
que confingendi dogmatis ab Ecclesiæ decretis abfonni caussam inde Origenes arripuit, ut
in sequentibus observabimus. Verum frustra id queri à nobis, & labis hujus expertem fuis-
se Origenem coniucere possumus ex Cyrilli Hierosolymitani Catechesi XV, qui hæresim
illam in Marcello & Photino ulciscens recens illam exortam dicit, *ορθοτατης αναπονησιον,*
quod utique non dixisset, si jam inde fuisse ab Origenis temporibus propagata. Reliquam
adversus id commentum Theophili dissertationem pratermitto, quæ maledictis tantum
pugnat, nec quicquam profert feria responsione dignum. C

QVÆSTIO QVARTA.

DE B. MARIA VIRGINE.

I. *Vtrum Christum & B. Mariam Virginem purgatione post partum opus habuisse Ori- D
genes existimat.* II. *Vtrum claustrum virginitatis B. Mariae in partu referatum opi-
natus sit.* III. *Vtrum B. Mariam peccata obnoxiam putaverit.*

I. **G**EMINAM, eoque amplius, unica Homilia, quæ numero decima quarta est
in Lucam, reprehendendi sui causam dedit Origenes: priorem, quum Chri-
stum asceruit & Mariam purgatione post partum opus habuisse; alteram, quum
apertum fuisse claustrum virginitatis B. Mariae in partu docuit. Verumque suo ordine ven-
tilabimus; & nunc quidem de priore. Origenes Luca caput 2. interpretans, in hac verba
versus 22. *νε την ιδεόντας αι γυναι το εργαζομένην ήτην, ηγέτης μαρτίων,* sic perorat:
Propter purgationem, iaguit, eorum. Quorum, eorum? si scriptum esset propter purgationem ejus, id est
*Maria, q. e pepererat, nibil questionis oriretur, & audacter diceremus Mariam, qua homo erat, purga- E
tione indiguisse post partum. Nunc vero in eo quod ait, dies purgationis eorum, non videtur unum signi-
ficare, sed alterum, & plures. Legerat nempe, uti nunc quoque legitur, την ουσιαν την πρώτην.*
quam lectionem Interpretationem Syriaca, Æthiopica, & Persica, & Patres aliquot, ac
codices bene multi tuentur. Alij, neque pauci habent *ānd*, sed legendum omnino *κονῆς*,
juxta Vulgam, & Arabicam Interpretationem Erpenianæ editionis. Vni siquidem puer-
pera purgationem huius adhibitat, non etiam infanti constat ex Levit. 2. Corrupta itaque
vocis illius *ωτης* lectori Origeni fucum fecit, & Christum itidem *ωτην* Mariam purificatione
opus habuisse persuasit. Christo itaque ut reliquis hominibus applicabat dictum Iobi, *N-
eminem esse mandatum à sorde: ne si unius quidem dici facias vita epi.* Sordes autem à peccato hic
distinxit, atq; fordescere animam putavit, cum mortale subit corpus è vili & fordida con-
cretum materia; ac sepe proinde inquinante Christi animam cum corpus in muliebris uteri
angustijs delitescens sibi adjunxit. Sic ille in eadem Homilia: *Vnde & Salvator loquitur: Ego
sum vermis, & non homo, opprobrium hominum, & abjectio plebis.* Videbat in matre, utero immundi-
tiam corporam, visceribus ejus hinc inde vallatus, tertens facis patiebatur angustias: unde assimilat se
verni & dicit: *Ego sum vermis, & non homo.*

At Tertullianus libro De carne Christi, cap. 4. & libr. 3. contra Marcion. cap. 11. de Do-
mini nostri corporatione agens, pejora etiam deblaterat, nam præter spurcias genitalium
in utero elementorum, humoris & sanguinis, fæda coagula carnis ex eodem cæno attende per novem men-
ses; partus quoque in mandib. & padenda tormenta, & ipsius exinde pauperij spurcos, anxios, ludicos
exitus fingit. Quæ ab Hæreticis objecta neutiquam ipse diffitebatur, sed Deo indigna esse
negabat, contra Marcionistas. Sanctam

A Sanctam vero Virginem cum more aliarum foeminarum per vulvæ reserationem Christum enixam esse sibi Origenes fixerit, ut mox disputabimus, credi quoque posset profusam ab ea, itidem ut ab aliis, partus colluviem existimatæ, unde minime mirum foret purgandam quoque fuisse ipsum aseverasse: sed omnino istud, nisi mea sefellit diligentia, in Origenem expressum non est. Sui ergo ei sufficiunt errores, nec alieni temere huic affingendi sunt. Hanc potius Sixti Senensis Annotationem, quæ libr. 6. Biblioth. ^{Annot. 136.} intexta est, admittamus: *Intelligit fortasse Origenes, non de purgatione ab immunditia & sordibus partus, quibus nulli dubium est Mariam non fuisse obnoxiam, sed de ritibus, & ceremonijs, quibus Moy-ses pueras lustriari iussit: has necesse erat servari à matre illius, qui Legem impleturus venerat, non destruturus.* Illud ex eo confirmatur, quod Homil. 8. in Levit. scribit Origenes eas solum B mulieres in pariendo esse immundas, quæ semine admiso concipiunt, & pariunt; quæ vero semine neutiquam suscepto peperit, eam vero immundam non esse. Quorum ea germana sunt, quæ representant Catena ex Origene in Levit. 12. 2. γεννηθεῖσα πάρειαν δέ τοι εἶται απομεταποντία, οὐ γενεσιμόροτος τοι. Εἰ τινα μόνον ἀδελφον μάντυντο ήταν εργατικός ἡ μητρία σὸν εἴτε τὸ επιτελεῖσθαι τούτην αὔτους. Οὐ γεννηθεῖσα πάρεια, εἰρηνή) θεον τοῦτο. Addamus denique insignem locum ex Homil. 12. in Levit. quo generationis Christi & virginalis Mariæ corporis munditiae disertissime prædicatur: *Omnis qui ingreditur hunc mundum in quadam contaminatione effici dicitur. Propter quod & Scriptura dicit: Nemo mundus à sorde, ne si unius dici fuerit vita eius. Hoc ipso ergo quod in vulva matris est positus, & quod materiam corporis ab origine paterni seminis sumit, in patre & in matre contaminatus C dici potest. Aut nesciis quia cum quadragesita dierum factus fuerit puer masculus, offertor ad altare, ut ibi parificetur, tanguam qui pollutus fuerit in ipsa conceptione, vel paterni seminis, vel uteri materni?* Omnis ergo homo in patre & in matre pollutus est; solus vero Iesus Dominus meus in hac generatione mundus ingressus est, in matre non est pollutus: ingressus est enim corpus uncontaminatum. Ipse enim erat qui & dudum per Salomonem dixerat: *Magnus autem cum esset bonus, veni ad corpus incoquinatum. Non est ergo contaminatus in matre; sed ne in parte quidem: nihil enim Ioseph in generatione eius præter ministerium præstiterit & affectum.*

Sic autem de sacrō Mariæ puerperio sententia Catholica Ecclesia antiquorū Patrū dogmatis imbuta, etiā *uterus de die in dies infolesceret* (placet enim Tertulliani verba, repudiata licet ipsius sententia, retinere) gravem tamen, anxiam, incertum libidinibus fastidij & gula neutri- ^{Tertull. De carn. Christi cap. 4.} D quam fuisse; foras vero *infantem non cum suis impedimentis profusum & oblitum*, quemadmo- dum aliis omnibus puerperis solet contingere, sed absque ullis inquinamentis & sordibus prodiisse. Quamobrem Canone 79 Synodi Quinifexæ abrogatur consuetudo à nonnullis obseruari solita illis temporibus, similare coquendi post diem Nativitatis Christi, & eam sibi invicem impertiendi, *honoris scilicet pretextu secundinarum impollute Virginis matris: rationem reddit Synodus, esse quippe ἀρχὴν τὸν τὸν παρθένον θεον τούτον, τοῦτο οὐτων τοῦτον Secundinis carentem Virginis divinum partum, ut qui semine caruerit.*

E II. Alia quoque, ac gravior criminatio ex his ejusdem Homiliarum verbis oritur: *Quem- cumque de utero effusum matem diceris, non sic aperit vulvam matris sue, ut Dominus Iesus; quia om-nium mulierum non partus infantis, sed viri cotius vulvam referat. Matris vero Domini eo tempore vulva referata est, quo & partus editus, quia sanctum uterum, & omni dignatione venerationis vene-randum ante Nativitatem Christi masculum omnino non teigit.* Per reserationem vulvæ Christum edidit censet. Par est Tertulliani cœpitatio in libro De carne Christi, cap. 23. ibi quippe B. Mariam virginitatem decus (integritatis nempe cuiusdam corporis, quæ virginibus inesse solet, & primo viri congressu obteritur ac violatur) reserata in partu vulva amissile docet. Post alia vero sic differit: *Omne masculinum adaperiens vulvam, sanctum vocabitur Domino. Quis vere sanctus, quam Dei Filius? Quis propriæ vulvæ adaperit, quam qui clausam patefecit? Ce- terum omnibus nuptie patefaciunt. Itaque magis patefacta est, quia magis erat clausa. Vixque magis non virgo dicenda est quam virgo, salvo quoddam mater antequam nupta. Et quid ultra de hoc retrahendum est? cum hac ratione Apostolus non ex Virgine, sed ex muliere edidit Filium Dei pronuntiavit, agnouit F adaperire vulve nuptiale passionem.* Eamdem postmodum opinionem amplexus est Iovinianus Hæreticus, & eam hodieque tenuerit Heterodoxi nostræ, uterum virginicum Christo transiunti reseratum quidem, patens iter præbuisse docentes, sed mox divulsas partes Dei nutu prælinas reperiisse sedes, & in unum coaliuisse. Nec multum hinc abudit Durandus à sancto Porciano, inviolatum quidem perseverasse virginitatis sigillum definiens, sed amplificatos meatus viam patefecisse.

Origeniana sententiæ contraria decernuntur in prima Homiliarum in diversos, quæ auctorem non habere Origenem vel hinc potest existimari. Sic illa: *Quemadmodum Da-nielis intra lacum Leonum inclusio, clausis non aperitis allatum est prandium ab Abacuc; ita & hec Virgo sancta genuit Deum, sed intacta permanxit; mater effecta est, sed virginitatem non amisit; genuit infans, & ut dictum est, Virgo permanxit; mater Filij facta est, & castitatis sigillum non perdidit,*

ORIGENIANORVM

Atque illud est optima Patrum, tum Gracorum, tum Latinorum partis, & Ephesini præter A
rea Concilij decretum, perpetuo Ecclesiæ Catholice contentu comprobatum, & hoc Eze
chielis Prophetæ oraculo corroboratum. *Et dixit Dominus ad me: Porta hac clausa erit: non
aperietur, & vir non transibit per eam: quoniam Dominus Deus Israël ingens est per eam, etique
clausa Principi. Quo illibatam & in conceptu, & in partu Maria virginitatem futuram, Chri
stique corpus clausis uteri repagulis eodem modo foras proditurum, quo ad Discipulos
obferatis foribus penetravit, prenuntiari affirmant Patres plerique.*

*Genebr.
Coll. II. c. 6.* Verum Origenis reprehensioni intercedit Genebrardus, & Ambrosij ac Hieronymi au
toritatem & exemplum prætextit, quorum uteque claustrum virginitatis à Christo in par
tu apertum fuisse dicit. Adjungere poterat Athanasium, Basiliū, & alios præterea, qui
de virginæ vulvæ apertione similiter differunt. Sed ea omnibus iis exceptio adhibenda
est, qua ad solvendum Ambrosij locum usus est Thomas p. 3. q. 28. a. 2. ita nempe locutos
Patres illos, cum illud Evangelista exponerent: *Omne masculinum adaperiens vulvam, sanctum
Domino vocabitur: quod quidem ex vulgata loquendi consuetudine usurpatum est, non ad
significandam virginis claustrum apertioem, sed exitum duxat prolis de utero. Thomæ
responsionem defendunt alii Ambrosij & Hieronymi loci, quibus irruptum perseve
rante in puerperio virginitatis sigillum manifeste tradunt; qualis ille est Ambrosij ē libro
De institutione virginis, cap. 7. *Porta igitur Maria, per quam Christus intravit in hunc mundum,
quando virginis fusa est partu, & genitalia virginitatis claustra non solvit. Mansit intemeratum septum
pudoris, & inviolata integritas dari vere signacula, cum exiret ex Virgine: & ille ipse Hieronymi ē
libr. 2. contra Pelagian. quem Origeniano similem esse vulvæ Genebrardus, quique ei ex
diametro oppositus est. En illum: *Solis Christus clausa portas vulva virginalis aperuit, que tamen
clausa jugiter permanerant. Vtius ergo suam Origeni excusando navasset operam Gene
brardus, si dixisset de Mariæ virginitate haudquam ab Origene fuisse detraictum, etiam si
perfactas in pariendo virginitatis foras crediderit; (quod ipsum tamen ab Ecclesiæ re
probatum est) non in integritate quippe carnis, sed in constanti voluntatis proposito vir
ginitatem confitere, nam *Integritas corporalis membra per accidens se habet ad virginitatem, in
quantum scilicet per hoc quod ex proposito voluntatis absinet quis à delectatione venerea, remanet in e
gritatem in membro corpore. Unde si contingat quod per aliud modum aliquo casu membra integritas cor
rumpatur, non magis prejudicat virginitatem, quam si corruptum manus aut pes. Verba sunt S. Thom
ae 2. 2. q. 152. a. 1. Notandum sane, inquit Eligius Noviomensis Homil. 2. quod dicitur: *Om
ne masculinum adaperiens vulvam, quia his verbis Evangelista morem confusa naturitatis expressit.
Et non sic intelligi voluit, sicut latrant Heretici, quod Christus uterum matris nascendo virginitatem pri
vaverit: cum mulier non tunc virginitatem amittat, quando parit, sed quando cum viro dormit. Huc
confert quod Tractat. 26. in Matth. ex traditione quadam literis mandavit Origenes de
morte Zacharie idcirco illata, quia Maria, postquam Servatorem enixa est, in quadam
Templi loco virginibus destinato confitere permisisset, & dixisset prohibentibus eam, quo
niam digna est virginum leue, cum sit virgo.*****

*III. Beatam Virginem nullum unquam in se concepisse peccatum, hodie Ecclesiæ ra
tum est, & Tridentini Concilij firmatum auctoritate decretum. Quo acquiescendum po
tius est, quam Veterum dicitis, si qui secus sentire vii sunt. Inter illos numerandus Ori
genes, qui Legi peccati Mariam Christi matrem non obnoxiam fuisse modo, sed &
paruisse pronuntiavit his verbis: *Quid potam quod scandalizatis Apostoli mater Domini à
scandalio fuit immunit. Si scandalum in Domini passione non passa est, non est mortuus Iesus pro pecca
tis eius. Si autem omnes peccaverunt, & egent gloria Dei, justificati gratis ejus, & redempti, utique &
Maria illo tempore scandalizata est. Et hoc est quod nunc Symeon prophetat dicens: Et tuam ipsius ani
mam, que sis ab que viro peperisse te virginem, que andisti a Gabriele: *Spiritus sanctus venit super te,
& virtus altissimi obumbrabit tibi, pertransibit infidelitatis gladius, & ambiguitatis mucrone ferient.* Iacent illa in Homil. 17. in Luc. quæ *ωδεῖτε* propemodum in Epistola 317 retulit Ba
silius; gladio enim illo dubitationem quandam à Symone notatam esse scribit, quæ Ma
ria animam in partes, mortem patiente Christo, divisura erat, juxta Christi oraculum: *F
Omnes scandalizabimini in me: alioquin ad eam mortis Christi fructum non fuisse perven
tum. Eodem verbo Symeonis detorquent Titus Bostrenus, Amphilius Orat. 3. De oc
cuso Domini, Chrysostomus in Psalm. 13. Cyrillus in Iohann. Author libri Quæstionum
Veteris & Novi Testamenti Augustino adscripti Quest. 73. & Theophylactus in Luc. 2.
Quorundam nonnulli Virginem post fluctuationem illam animo confirmatam fuisse dicunt,
Basilium hujus auctorem sententias pressius affectati.***

Origenes itidem Homil. 20. in Luc. dubia & incertæ fidei Mariam ita accusat: *Simul
& illud attendite, quod quādīs in possessione Patris sui fuit (Iesus) sursum erat quia nequum plenam
fidem Ioseph & Mariæ habebant, propterea sursum cum eo manere non poterant. Et paulo post: Maria
autem conservabat omnia verba hæc in corde suo: plus aliquid quam de homine sufficiabatur. Eamdem*

A exiguæ fidei culpam Mariæ affingit Tertullianus libr. De carne Christi, cap. 7. *Sed quæ ratio responſi, inquit, matrem & fratres ad præcens negligunt, dicas etiam Apelles. Fratres Domini non crediderant in illum, sicut & in Evangelio ante Marcionem edito continetur. Mater aquæ non demonstratur adhæſisse illi, cum Marthæ & Maria alia in commercio ejus frequententur. Hoc denique in loco apparet incredulitas eorum, cum is doceret viam vite, cum Dei regnum predicaret, cum languoribus & virtutis mendaci operaretur, extraneis defixis in illum tam proximi aberant. Sed cauſam pro eo dicit Pamelius, & totam incredulitatis notam in fratres transfert; & Matrem Christo non adhæſisse eatenus tantum dici vult, quatenus non omnibus Christi concionibus interfuit. Laudabilis quidem, sed iritus est Pamelij conatus: ecquenam enim adversus tam apertam sententiam valeat exceptio? Nam ait hoc in loco appariſſe incredulitatem eorum, cum prædicaret B Christus regnum Dei, & extraneis in illum defixis abſent proxiimi. Atqui Virginem dixit non æque adhæſisse Christo ac Martham & Mariam. Virginem igitur, itidem ut Domini fratres, incredulitatis arguit. Origenem quoque contra Rhenanum idem ipſi crimen objictem defendere parat Pamelius hoc argumento, quod B. Virginem immaculatam appetet. Commodius locum ex Homil. 20. in Luc. proxime adductum exponere fatigat Sixtus Senensis libr. 5. Biblioth. Puto, inquit, Origenem vocabulo plena fide intellexisse plenam Annot. 140 cognitionem omniam mysteriorum divinitatis & humilitatis Christi, quam Maria Virgo nondum eo tempore habebat; quamvis ea omnia, que tum de Christo noverat, certissima & inconcussa fide tenueret. Ad priorem vero ex Homil. 17. dilucidum locum conducere poterat Thomas solutio, du. 7thom. p. 3. citationem illam, admirationem & discussionem interpretantis, si non reiecula illæ scandali & q. 27. a. 4.*

C infidelitatis voces occurrerent. Porro absona hæc, & ab Ecclesiæ placitis discrepans Veterum aliquot de Maria sententia, aliisque ejusmodi nonnullæ, quas brevitati consulentes prætermittimus, cauſam dederunt Lutheranis & Calvinistis, cur B. Mariam reliquorum more hominum peccasse scirent.

QUESTIO QUINTA.

DE ANGELIS.

D I. Vix certi quicquam Origenis etate de Angelis fuerat definitum. II. Queritur quo tempore Angelos, & rationis compotes naturas reliquas à Deo conditas, & in peccatum delapsas ratus sit. III. Vtrum Angelos corporatos esse censerit. IV. Sibi videtur aliquando non confundere: V. sed conciliantur discordantes loci. VI. Vtrum animam illis inesse, an ipsos esse animas dixerit. VII. Angelorum inter & Demonum corpora discriminatio aliquido tenuitatis constituit. VIII. Consentientes babet Patres bene multos. IX. Origeniana sententia radix investigatur. X. Vtrum aquas quæ supra & infra Firmamentum sunt, Angelos esse arbitratus sit. XI. Ecuod de Angelorum libertate, meritis, gratia, remuneratione, ac paenis statuerit. XII. Patrum multorum aduersus hanc ipsius doctrinam convicia. XIII. Vtrum priorem crediderit horum in an Demonum naturam, exploratur. XIV. Ex ipsis Origenis verbis sententia illius super Angelorum libertate ac meritis aperitur: XV. in qua tamen videtur nonnumquam titubare. XVI. Causa huic Patres aliquot suffragantur. XVII. Origeni favent alii quedam. XVIII. Vtrum Angelos ab hominibus eruditiri persuasum habuerit. XIX. Expenditur ejus sententia de Angelis judicandis; XX. cuius fundamenta aperiuntur. XXI. Eam fruſtra excusare conatur S. Thomas. XXII. Quo tempore extreme supplicia Demonibus vel inflicta vel infligenda Origenes crediderit. XXIII. Origeni assentiantur Patres plerique. XXIV. Vtrum hominum sanctitate florentium animas Angelos esse senserit. XXV. Nonnullorum criminationibus opinionis hujus cauſa fuit obnoxius. XXVI. Ventilatur ejus sententia de tutelaribus Angelis; ac primum Gentium, XXVII. Ecclesiistarum, XXVIII. hominum singulorum, XXIX. & verum anima carentium. XXX. Vtrum unicuique Genti & homini Angelos duos, bonum unum, malum alterum simul assisterem posse. XXXI. Fons Origenianarum de Angelis tutelaribus sententiarum ostenditur: XXXII. ad stipulatores Patres recensentur. XXXIII. Ee & ex Origenis fluctuatione excusari possunt. XXXIV. Quid de Angelis Λυζομηνος opinatus sit, indagatur. XXXV. Queritur, quid senserit de Angelis remunerationum & paenarum